



Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/11-00525 pillugu ataasinngornermi ulloq 21. marts 2011-mi aalajangiineranik Naalakkersuisunut ilisimatitsineq.

Kigutilerineq pillugu ilinniartitaanernut iliuuseriumasat

Naalakkersuisut **inassutigaat**,

- Kontomi pingaarnermi 40.91.25-imi, Peqqinnissakkut ilinniartitaanernut brancheskolenut tunngasumi, ukioq manna aningaasaliissutit 1.200.000 kr.-inik amerlineqassasut,
- Kontomi pingaarnermi 34.13.01-imi, Peqqinnissaqarfinni kigutigissaanermut tunngasumi, ukioq manna aningaasaliissutit 900.000 kr.-inik ikilineqassasut, aamma
- Kontomi pingaarnermi 40.01.08-imi, Ilinniartitaanermut pilersaarummut kiisalu ilinniartitaanerup immikkut ittumik suliniuteqarfigineranut tunngasumi, ukioq manna aningaasaliissutit 300.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Kigutigissaasutut ilinniartitaanermik nutaamik pilersitsinissaq siunertaralugu missingersuutinut sunniuteqanngitsumik nuussinissaq Naalakkersuisut suliami matumani qinnutigaat. Maannakkut aningaasanik immikkoortitsisoqanngippat ilinniartitaaneq taanna 2012-imi aatsaat aallartinneqarsinnaasoq qinnuteqaammi allaasimavoq.

Tamanna Aningaasaqarnermut Ataatsimiititaliamit akuerineqarsinnaavoq.

Tusarniaanerli pillugu immikkoortoq missingersuusiornermut malittarisassaq 2008-meersoq maleqqissaarlugu suliarineqarsimanngitsoq ataatsimiititaliap maluginiarpaa, tassa Aningaasaqarnermut Naalakkersuisoqarfup tusarniaanermut akissutaa ilanngunneqarsimasoq erseqqissumik allassimanngimmat

Tusarniaanermut akissut taanna ilanngunneqarsimasoq ataatsimiititaliap tunngavissaatippaa, aningaasaliissuteqarnissamillu qinnuteqaatit piumasaaqatinut siunissami naapertuuttuunissaat qulakkeeqqullugu Naalakkersuisunut qinnutigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni tunngavissaatitsillunilu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Ataatsimiititaliaq sinnerlugu

Olga P. Berthelsen
Aningaasaqarnermut Ataatsimiititaliap siulittaasua